




浙江圖書館







浙江圖書館





浙江圖書館



丁巳 萬曆四十五年



浙江圖書館

浙江圖書館



丁巳 萬曆四十五年

正月禮部遵五年議謚例疏請應得謚者臣

參魯王之誥張佳胤余懋學馬理曹端李葵陽賀

譚大初段民魏學曾朱鴻謨魏時亮羅尚鵬陳茂烈姜洪

黃鞏汪宗初林綵楊起元汪治楊慎裴應章李中盛納曾

朝節黃鳳姜廷頤何源陶望齡劉一儒傅新德沈節甫周

怡梅杲王宗沐張允濟李棠董堯封馮應京敖文禎共四

十四人彙請候 旨勅下翰林院撰擬謚號

太常寺卿林學曾等公疏請釋纍臣劉光復

兵科給事趙興邦參論陝西虜事疏曰看得套虜乞款邊



臣許之，仍議帶補前經革去七年市賞，約以新舊互市，一歲兩開，七年補完。竊惟一年兩市，金繒之費，以八萬計，七年之間，所費幾六十萬。取此六十萬金錢，每年以二十萬為芻餉之費，則士飽馬肥，卽以長驅虜庭可也。何至恣犬羊之求，填谿壑之欲，示我以弱至此乎。

貴州苗仲、肆虐黔中，生靈塗炭極矣。撫臣張鶴鳴集兵分道勦之，初攻蒙冒，蒙兵賊巢副摠兵陳寅自興陽，由羅勇進，都司李上林由改窩進，旗鼓官劉范和督安兵，由擺疆進，指揮黃運清等由定番進，千戶李瓊督蒙兵，由翁貴進，甕安知縣袁大化督伍司等兵，由鼠場關進，分擊菁回蒙。



兵花鴨孔擺葦蒙等寨斬馘一百二十六級續攻宗角生  
烈翁忙者貢賊巢陳寅兵由天台進李上林黃運清及伍  
司兵由焦山進或劄大雷或劄其下或劄陽城圍或劄者  
貢分擊圍箐婆把大山谷精谷隆交馬打狼羊容銅箐等  
寨斬馘一百六十六級前後俘獲夷屬牛馬甚衆其餘險  
勁賊寨如大箐圍俱未克蘆山木瓜大華麻响四司程番  
等十二司尚多賊巢未及掃蕩爲力尤難巡按楊鶴上疏  
曰臣奉命入黔急勘進剿夷賊情形大約賊衆我寡東征  
西竄未易收拾今賊種浩繁與軍民錯壤而居加以叢山  
深箐鳥道羊腸綿亘數百里賊守險甚易我仰攻甚難召



瓜虜確論

募新兵。皆四方亡命。驅市人而使之戰。一難也。漢兵不足。勢不得不用土兵。兵素無紀律。不聽節制。甚者委而去之。二難也。提兵滿萬。無一大將登壇。二難也。重賞之下。必有勇夫。捉衿見肘。不敢多用一錢。四難也。我合則賊分。我分則賊又合。終不能張彌天之網。設四面之羅。五難也。今日之事。勦之不能盡。勢必用撫。撫之未可遽。撫必困守。以俟其敝。而后撫可堅也。總之患于無餉。有餉則飽。待饑逸。待勞其權在我。勦可也。撫可也。無餉則彼飽我饑。彼逸我勞。其權在彼。勦之不能勦也。撫亦不成。其爲撫也。黔中自平播之後。用兵仲賊者。凡三萬曆三十三年。有老王山波。



羅清水籌大小平伐之役三十六年有定番翁忙者貢之  
役四十一年有新添平伐之役數年之間叛逆再四今豈  
復容如往日者草草結局已耶然臣反覆籌之日下成功  
固難將來善後尤難臣之愚計伏乞 亟發帑金四萬以  
二萬爲困守之需以二萬爲善後之用增兵增餉不爲無  
米之炊此萬全制勝之長策也奏記

二月禮部請 皇太子講學。 皇太子係出閣就傳。

三月初八日吏部奉 詔考察京官計典例于正月舉行。  
進至此亦變局也。

直隸巡按毛堪疏請近畿蝗旱甚慘懇 恩免稅以修實



皇明後傳金 卷四十一  
政以召天和

禮部題請鑄

福王第一子由崧賜封德昌王印信

五月 冊封各藩

館

六月皇親鄭養性乞襲父職得左都督侯駙馬子昌國比  
例乞 恩得都指揮使兵部署印侍郎崔景榮奏戚畹恩  
施不宜太濫乞遵 祖制收回 成命昭太公全 國體

應天等處大蝗巡撫王應麟奏請勘賑

正陽門箭樓成

七月初六日京師怪風○山西大旱山東旱蝗

大學士吳道南丁憂回籍

大學士方從哲督疏爲閣務願重。勢難獨任。請簡新輔。以隆



大學士方從哲疏為閣務煩重勢難獨任請簡新輔以隆政本。

八月顏子六十代孫五經博士顏伯廉等慶賀

聖壽至京

聖諭兵部近來虜情變動備禦宜周秋防事宜便行與督撫等官嚴督將吏着實用心料理務保萬全有功優敘失事的從重叅處。

宣府天鳴地震已上俱邸報

浙江

浙江嘉興秀水二縣里老沈科章疏為田賦原平奸民釀

亂奉



聖旨該部院知道戶科抄叅云看得嘉秀里老不遠數千  
 里昧死陳言蓋為三縣田糧影射不明者三十餘年嘉善  
 之民鼓噪公庭故嘉秀之民因而叩閭辨訴耳夫田糧即  
 有推有收而隔縣無過割之法在嘉善之積書有無增割  
 冊籍在嘉秀之豪僧有無播弄通同不可不窮詰弊情各  
 置之法大約田在嘉善者似宜糧歸嘉善田在嘉秀者似  
 宜糧歸嘉秀若云兩地有田相抵竊恐田在嘉秀之三千  
 餘畝視田在嘉善之三萬三千餘畝其數多寡不敵甚明  
 也若云三縣始合而後分冊籍相仍經界難正夫合之日  
 經界自混而為一分之後經界宜晰而為兩縱令差錯

初上應歷草于今日豈可因仍冊籍之混淆而不割晰



經界自混而爲一。分之後。經界宜晰而爲兩。縱令差錯。初。正應釐革于今日。豈可因仍冊籍之混淆而不剖晰。疆界之分明乎。爲子民者。宜靜聽處分。若擁衆譁然。哢哢迫挾。則當急懲也。疏抄

九月。湖廣承天等處。夏旱。秋水。蝗蝻蔽天。三災疊至。萬姓倒懸。各官請賑以重邱業。

詔停刑。

山東星隕。天鳴。地裂。龍鬪。

江西大水。

直隸巡視屯田御史奏報屯田災異。游加懇乞軫恤。改折以撫窮軍。



十月 命鼎渭准封代藩世子。先是鼎渭生于隆慶五年，  
鼎莎生于萬曆十三年，雖俱庶出，而長幼之序，判然矣。因  
代王溺愛鼎莎，謀黜鼎渭，捏辭以請。時部寺通政司宗人  
府各疏斥其謬，經年不結。至是始奉 旨定奪。

十一月二十日 皇太子第三子薨。

潞簡王妃李氏懇請 天恩特准襲封，以重孤藩。時世子  
年已九歲，賜名常塲，䟽極哀切。

虜犯喜峯等處，巡按薛貞劾參將郭珍選李家峪守備魏  
允高降，罰有差。

隆德殿灾。



纂修玉牒成。加劾勞諸臣。候拱宸等。

漳州大水。

延禧宮災。

已上俱  
邸報

十二月。大學士方從哲疏曰。竊見數月以來。朝廷之上。政事日壅。章奏日積。外廷之仰望益切。而批發益遲。諸臣之陳奏徒煩。而允行無日。臣內循職業。外惕人言。憂心如焚。莫知所以爲計。因念我

皇上英明天縱。太阿獨持。事無大小。無一不出親裁。無一不由宸斷。臣等誠不勝欽服。惟是事體重大者。

皇上旣以爲重。而慎之。其無甚緊要者。又以爲輕。而忽之。



臣等懇祈迫切者

皇上既因其急而故緩之。其稍可從容者。又因其緩而故置之。卒之重者不行。輕者亦不得行。急之無用。緩之益無所用。徒見臣等日日祈請。日日煩瀆。而于天下國家事。曾無有分毫之濟否乎。夫總攬美名也。獨斷盛節也。臣等豈不爲

皇上願之。但使吏部催一官而

皇上卽賜點用。其誰不感

皇上之恩。諸司奏一事而

皇上卽賜允行。其誰不服

皇上之斷。如是則威福惟辟。權不下移。主勢力自尊。人心自



皇上之斷如是則威福惟辟權不下移主勢自尊人心自服臣下方且自幸其職之得舉言之得行方將順奉承之不暇何樂有言惟

皇上不肯卽用不肯卽行而後諸司不得不循職以催臣等亦不得不補牘以請至于催之多而請之煩也

皇上又且以爲此煩聒也此激擾也甚且以爲市恩沽名也于是持之愈堅拒之愈力諸事悉從寢閣諸疏一概留中夫其所催請者諸臣之事乎抑朝廷之事乎催之而不報請之而不從其所誤者諸臣之事乎抑朝廷之事乎始以因循之意隳明作之功繼以疑二之心滋叢挫之



慷慨激切  
亦復如神  
淋漓忠厚  
和平之章

弊相持不已。舉行無期。畢竟朝政何時疏通。人心何時愉快。而臣等尸位之罪。何時可以少懈也。臣等經年累月。請點大僚。請補科道。請起廢臣。近日又請用都御史。請用兵科。河南道。請點巡。按各差。連篇累牘。臣等亦自厭其煩瑣矣。而一言不效。一事未行。溺職曠官。慙愧欲死。今亦不敢一一條陳。以瀆天聽。特舉用行政本原受病之處。請皇上深思而熟計之。倘蒙特賜省覽。不勝幸甚。

礦賊高二集眾千人流劫靈寶縣獄庫石知縣却之已遣獲伏法

是年春濟南臨邑縣紀家窪有異火每夜分即出其大

如非色紅黃明亮凡燒煙直上約高二三丈恍惚望之隱



是年春濟南臨邑縣紀家窪有異火每夜分即出其大

如斗色紅黃明亮燒煙直上約高二三丈恍惚望之隱  
隱似有動躍狀尋復墜下散漫無踪遇一二人夜行光  
逐人而來其疾如箭近一二丈即止尋復散去先是乙  
卯歲出于選城儒生張玄地內未幾赤地千里兆庶流  
離安丘劫庫劫獄泰安齊東殺兵殺官以彼驗此良可  
畏也雜編

江南鼠異自五月下旬起千萬成群啣尾渡江而南穴  
處食苗旱蝗未已又增一害民困斯極矣。

鼠異



皇明從信錄

卷四十

四三



浙江圖書館

戊午 萬曆四十六年



戊午 萬曆四十六年

四月、奴兒哈赤、祥令部夷赴撫順市、潛以勁兵踵襲、十五日、凌晨突執遊擊李永芳、城遂陷、因以漢字傳檄、清河脅併北關、巡撫都御史李維翰趨總兵張承胤、移師應援、二十一日、奴兒哈赤暫退、誘我師前、以萬騎迴繞夾攻、承胤及副總兵頗廷相、遊擊梁汝貴、死之、全軍覆沒、而宰煖各營方集、遼河西岸、虎整傳調、啗喝、抄花亦屯鎮靜邊外、虜東西颺動、會正陽門外河水三里餘、赤如潰血、京師震恐、

上特起廢將李如栢、總遼鎮兵、及徵廢將杜松屯山海關。



劉綎柴國柱等赴京調度。時楊鎬以遼舊撫推兵部侍郎，命以新啣往經略。詔總督薊遼侍郎汪可受先出關，順天撫臣移鎮山海，保定撫臣移鎮易州，以便控禦。皆創例也。遼報不至，凡三晝夜，開原以西虜窺瀋懿，請救。廷議懇發帑金，湊餉百萬。大典問罪之師。

壯語

巧婦奈何

上諭內帑無措，止括十萬金佐軍興。頃之，謀稱奴兒哈赤

又是計

退舍三十里，虜二萬餘入瀋陽。詔斬奴酋，予千金。世

職總督汪可受疏稱：夷虜更番疲我，征調未集，請練土著

人自為守。遼產諸生，暫停試。各倡義旅，有功得破格賜科

名。并亟通登萊海運濟餉，尋以虜傲薊保撫臣罷移鎮本

兵引征倭，征播例調兵六十萬，度軍而餉三百萬，而帑金竟不



名并五區通登萊海運濟餉尋以虜傲蘇保撫臣罷罷移鎮本  
兵引征倭征播例調兵十萬度需餉三百萬而帑金竟不  
時發

閏四月奴兒哈赤歸漢人張儒紳等賫夷文請和自稱建  
州國汗備述惱恨七宗大畧以護北關嫁老女及三岔柴  
河退墾爲辭實藉儒紳等以行間謀最秘會廣寧民婦生  
一猴二角四齒開原殷家庄堡桅杆起火御史李徵儀謂  
遼必以剿之規模爲守以守之餘力爲剿乃爲完算請速  
治遼撫臣李維翰

浙

五月十九日奴兒哈赤統衆剋撫安三岔白家冲三堡經  
略楊鎬兼程受事以二十一日抵山海關得剋堡報疏請



就近徵調。

上罷維翰令鎬兼攝巡撫增設標營遊擊。本兵請發餉二十萬解赴各鎮催調宣大山西三鎮以四萬金徵兵萬人延寧甘固四鎮以八萬金徵兵六千。

上可其奏。諭總兵杜松劉綎等星馳出關并摘調薊鎮

臺兵給問金六萬兩市戰馬以候。命御史陳王庭代楊

一桂按遼。○巡撫李維翰失城喪師得革職為民。○偵報

奴酋八子每登山密謀兵至如風雨建州馬夏月喜啖河

旁柳葉兼與宰煖合眾近十萬非關惴惴不免朝鮮已諧

秦晉且督匠造船烏龍江李永芳亦降奴締姻。命借大

工馬價各五十萬兩濟遼餉頃之西虜乃蠻炒花等進犯



工馬價各五十萬兩濟遼餉頃之西虜乃蠻炒花等進犯長勇堡。

七月、賜歿事總兵張承胤謚加祭三壇予立祠名旌忠時奴兒哈赤從鴉鶻關入二十二日晨圍清河叅將鄒儲賢拒守援遼遊擊張旆請戰不從賊冒板挖牆自寅至未墮東北角因積屍上城旆戰死儲賢遙見叛人李永芳招脅大罵赴敵亦歿之而城中擁兵六千四百餘唯束手待斃爲賊殺掠萬計自三岔至孤山竝遭焚燬唯叅將賀世賢於靈陽邊外縱擊得級百五十四。

上特賜經略楊鎬劍一弁諭飭諸邊經略聞倣單騎赴



河東、靉陽寬奠眾望風遁，乃斬千總陳大道等以徇。議徙寬奠子女于遼陽，會朝鮮遣議政府右叅贊姜弘立等統萬兵請勅從征，并乞硝黃許之。加李光榮總兵銜，移廣寧。

報 邸

書

八月，京省主試官順天廢子趙師聖、諭德薛三省、應天諭

德鄭以偉、贊善來宗道、浙江編修林欲楫、吏科給事中張

廷登、江西編修成基命、工科給事中范濟世、福建檢討丁

紹軾、吏科給事中張孔教、湖廣編修馬之騏、刑科給事中

陳伯友、河南尚寶司卿熊尚文、禮部員外朱綵、山東戶科

給事中李奇珍、戶部主事吳伯輿、山西吏部主事唐文煥

兵部員外陳騰鳳、陝西吏部主事楊一鵬、行人司副劉時



給事中李奇珍、戶部主事吳伯輿、山西吏部主事唐文煥

兵部員外陳騰鳳、陝西吏部主事楊一鷗、行人司副劉時

俊、四川禮部主事陸完學、評事齊琦、名、廣東刑部主事熊

秉鑑、工部主事陳應元、廣西兵部署郎中事譚昌言、中書

朱正蒙、雲南戶部主事洪啓初、工部主事陳如京、貴州刑

部員外方尚恂、行人陳玄藻、時應天浙江江西湖廣河南

陝西主考七月二十八日 命下故皆逾期試初場各省

解元順天王家基、應天盛文琳、浙江陳山毓、江西張斌、福

建戴國華、湖廣陳君寵、河南唐時明、山東邢泰吉、山西胡

舜封、陝西李尚霖、四川詹胤昌、廣東朱祚昌、廣西蔣佳胤

雲南施堯中、貴州周成德音綸 ○增設遼東巡撫以太常寺



少卿周永春往○又設援遼餉司報邸

九月總兵麻承恩詔獄以觀望失援清河也奴兒哈赤復

從撫順入總兵李如栢以朔三日馳瀋陽遇賊數千騎拒

却之斬級七十六乃蠻尋受款虜漸解散二十五日奴兒

哈赤從撫順入會安堡殺掠千餘時東方有白氣長竟天

其占為彗及蚩尤旗象主兵而星隕地震報相踵

十二月北關夷酋金台失以男得兒鞏台州勦奴酋一寨

來告賜白金二千兩綵段二十表裏時御史陳王廷按

開原知金台失所最暱夷婦為指揮王世忠姑密遣入北

關說以虎墩兔熬葦且旦夕勦夷受賞艷以千金金酋利

翻之也

之遂有是捷



關說以虎墩兔憨輩。且旦夕勦夷受入賞。艷以千金金首利。  
之。遂有是捷。

是月海州遙見白虹貫日。如日並出者三。白氣直罩城上。

建夷考

浙江圖書館



三  
前  
後  
作  
金

卷  
四  
十

四  
七



浙 江 圖 書 館

巳未  
萬曆四十七年



巳未 萬曆四十七年

正月援遼師徵調雲集。

上以經略奏報久稽恐師老財匱。諭兵部馳議方略。仍酌賞格頒示大學士方從哲亦移書促師。

二月經略楊鎬既決策乃以十一日誓師遼陽。凡分四路。馬將軍林率遊擊麻岩丁碧等從靖安堡出邊趨開鐵及都司竇永澄督北關之衆攻其北。杜將軍松率都司劉遇節等從撫順關出邊趨瀋陽攻其西。李將軍如栢率叅將賀世賢李懷忠等從鴉鶻關出邊趨清河攻其南。劉將軍綏率都司祖天定等從晾馬佃出邊趨寬奠及都司喬一



琦督朝鮮之衆攻其東計勝兵可十萬而瀋陽路最衝以保定總兵王宣原任總兵趙夢麟竝隸戲下更令原任總兵官秉忠駐遼陽總兵李光榮駐廣寧誓已梟撫順陣逃指揮白雲龍殉衆期二十一日先後出師。

上特簡山東巡撫李長庚以戶部侍郎督遼餉會十八日夜司天占火星逆行二十日京師風霾晝晦黃塵四塞有頃赤光射人如血西長安坊樓爲折其占四夷來侵。

上傳諭慰厲東征將士兼飭諸邊備然無奈主帥不一師

期先泄使逆酋得預爲地矣

建州夷考

揭會試榜福建永春莊際昌第一主試則吏侍史繼偕禮



侍韓燬

三月廷試賜進士莊際昌、孔貞運、陳子壯等及第。出身有差，三鼎甲莊以會元又爲名魁子。孔兄弟俱入木天，陳爲解元，熙昌子年十八稱最盛事。是時以少年登第者共十六人：蘄州王珙、蒲田黃鳴俊、韓城劉永祚、晉江黃廷師、富順范鑛、候官邵捷春、安福王振奇、孝感楊金通、龍溪顏繼祖、華亭董象恒、晉江曾化龍、南海陳子壯、息縣陳韜、晉江劉鱗長、新興雷躍龍、武昌彭祖壽、彭丰儀、俊朗、飄飄乎如玉樹臨風。京師人稱癸丑馮琢州。此則彭可爲雙絕。考選庶吉士二十三人：倪啓祚、丁進、施兆昂、姚明恭、侯恪。



張紳、吳士元、楊夢袞、魯時昇、楊世芳、顧錫疇、劉宇亮、金秉乾、朱繼祚、何吾騶、姚希孟、許可徵、姜曰廣、楊維新、陳萬言、丁乾學、雷躍龍、胡尚英、吏部侍郎史繼偕、禮部侍郎韓爌、教習之。邱報

書

杜松越五嶺關前抵渾河，棄車營趨利半渡，賊萬餘忽遮擊，衝我師為二。松血戰突圍，自午至酉，力竭，師殲焉。馬將軍林改由三岔出塞，翌日方抵二道關，遇賊乘勝來攻，亦敗績。開原僉事潘宗顏及竇永澄、麻岩死之。劉將軍綖獨縱兵馬家寨口，深入三百餘里，寇十餘寨，朔四日，賊詭漢卒裝誘墮重圍，夾攻衆遂潰。綖及軍鋒劉招孫等並陣歿。

時俱潰

唯清河一路李如相以經略令箭撤回，獲全。先是，綖出師



唯清河一路李如栢以經略令箭撤回獲全先是挺出師日五星鬪於東方松垂發牙旗折爲二又大清堡軍庫災火罷盡燬白氣竟天三匝而師多烏合深入虎穴識者預知爲敗徵云報至舉朝氣索

上令總督汪可受移駐山海關以虎墩乘機挾賞申飭薊昌防禦召陝西總督楊應聘甘肅巡撫祁光宗爲兵部左右侍郎起前御史劉國縉以職方主事充贊畫前御史熊廷弼以大理丞馳渡遼宜慰軍民兵部尚書黃嘉善率九卿科道叩文華門請癸內帑特允給四十萬兩募戰士廷議頗謂李如栢衰懦不堪登壇是役逗遛獨全疑有



謬巧、巡撫都御史周永春請都督李如楨代將。詔廷臣

會議給事中李奇珍獨謂李氏跋扈、如楨以弟代兄、出土

人擁戴、恐爲唐季藩鎮之漸、

亦是深慮

上竟遣如楨往撤、如栢候勘、書諭經略楊鎬戴罪昧事、趣

宣鎮總兵劉孔胤就近出關應援、當是時、宰煖諸酋竝其

奴賄、煖兎方沿河駐牧、奴兒哈赤詐令部夷降、金台失稱

損衆萬餘、叛人李永芳遣奸細探三岔、斫聯船、陰圖金酋

寨、頃之、奴兒哈赤以零騎窺瀋陽、清河等堡、而金台失以

奴酋男貴英把兎陣歿來告、初我師之出、朝鮮國王願親

提兵三萬合勦、已竟令他將引萬衆從劉將軍先登、遇覆

盡殲、而北關於朔三日、方以二千衆赴三岔、北則三帥已



提兵三萬合勦。已竟。令他將引萬眾從劉將軍先登。遇覆  
盡殪。而北關於朔三日。方以二千眾赴三岔。北則三帥已  
陷。御史陳王庭請獎卹朝鮮。諭以一旅屯沿江。塞奴酋  
攻寬奠鎮江路。并勅北關連屯開原。俟奴犯開鐵。卽襲老  
寨。無爲所給。大學士方從哲疏籍遼民爲兵。并捐俸濟餉。  
御史楊鶴因上遣中使薦陣亡將士。請卹故帥劉綎家  
屬。及塑死事諸臣。廟食京師。以倡忠義。

四月奴酋縱掠鉄嶺柴河撫安等堡。望後宣武門外嚮關。  
至東玉河水盡赤。正陽門尤甚。協理戎政尚書薛三木  
總督忻城伯趙世新相繼歿。人人自危。虎塾兔慙。擁衆數  
萬。臨廣寧邊。旋去。宣鎮營兵鼓噪不赴調。詔逮治總兵



劉孔胤、賜勅褒恤朝鮮。并令經略宣諭北關、填之河東。謀稱奴酋部夷可萬餘、於撫順關外築城修寨、并添清河路、冊壕。

五月二十九日、奴酋深入撫順、更以偏師躡鐵嶺、撫安堡。

文武先是不和了

而新帥李如楨方與經略總督爭抗、熊廷弼以新推胥後。

奈何以急為緩、遼東非昔時可比

命、蓋自敗書初聞、中外倉皇匝月、爾後舉朝轉弛。

上亦稍復寢格矣、朝鮮方咨報奴酋移書聲嚇、僭號後金。

天誅可俟

國汗、建元天命、指中國為南朝、黃衣稱朕、意甚恣。

六月十五夜、奴兒哈赤擁數萬騎、從靜安堡入、乘虛直薄。

開原、總兵馬林等方引眾出防、且倚宰煖新盟、孤城立下。

是年巳天  
命五年矣

西虜適市慶雲堡、亦結聚亮子河、十九日、以三萬眾圍鎮。



開原總兵馬林等方引衆出攻且倚宰爰新盟孤城立下  
西虜適市慶雲堡亦結聚亮子河十九日以三萬衆圍鎮  
西堡潘鐵奔潰

上乃超擢熊廷弼僉都御史兼兵部侍郎代楊鎬經畧并  
從本兵議遣司屬招兵陝浙河南山東廷弼疏請決策恢  
復開原

上賜劔今刻期從事起泰寧侯陳良弼總督京營召南兵  
部尚書黃克纘協理戎政廷弼單騎就道司業張鶴疏請  
京營簡選鋒三千壯其行竟不及從改差御史張銓按遼  
而大司馬及職方且以人言引疾也時遼陽獲奸細數輩  
或謂開原被攻時北關先期密報及寇至出兵二千來援



皇明後傳金 卷四十一 五十一  
而開原已失宜。賜勅撫慰。且北關與虎酋新締婚。可籍聯屬。奴酋奸細。在兩河甚夥。可卽用爲間。而司農以軍餉無措。且開款令郡邑捐助。有識哂之。

七月。紗花攻尅十方寺堡。奴兒哈赤聲窺鉄嶺。

上允省稅。暫充遼餉。左贊善徐光啓願使朝鮮宣諭。應

援有旨留用。遣給事中姚宗文查閱援遼兵馬。二十五日。奴兒哈赤從三岔堡入攻鉄嶺。從寅及辰。城陷。蓋自開原旣尅。瀋鐵逃竄一空。奴酋最工間諜。所在內應。而我偵備甚疎。聞敵膽落。開原一帶堅城。應時立破。良可歎也。經略熊廷弼時携兵八百。甫抵廣寧。聞西虜自鎮西堡合侵。



略熊廷弼時獲兵八百前抵廣寧聞西虜自鎮西堡令侵  
勢甚急會二十八日我師禦之熊官兒屯以捷聞

八月二日廷弼受代翌日入遼陽斬陣逃遊擊劉遇節等  
設壇躬祭撫清開鐵死事軍民且諭北關必復意

上度新經略已受事十三日遣緹騎逮治楊鎬御史陳王  
庭䟽糾總兵李如楨謂宰賽因奴酋陷鐵嶺引兵爭鬪被  
執如楨竟襲西虜殘級爲首功經略熊廷弼亦摘如楨十  
不堪謂賊陷開原淫酗捆載不能遮擊陷鐵嶺與西虜爭  
殺不能乘其敝更虛報西虜三萬合營致遼瀋驚竄願急  
調李懷信代將北關且報奴酋計搗遼陽盡戮朝鮮降卒  
防內變二十一日奴兒哈赤祥綴我師擁衆數萬騎直抵



金台失寨自寅訖午旋陷隨攻白羊骨寨應時火發北關  
惜哉相繼淪覆矣其後給事姚宗文奉命閱遼因訪金白部  
落頗聞白羊骨有弟卜兒漢金台失有男得力革  
為奴酋寨而得力革二女長速不他娶虜酋腦毛大孫桑河兒寨  
次中根兒娶虎塾兔憨會虎酋挾賞乃屬按察使袁應泰  
遣謀虜營并授畫副總兵姜弼傳諭腦毛大及憨同仇特  
給二女四千金示優恤以縻其意科臣并請為金白立廟  
而前所遣指揮王世忠即南關齋時隸廣寧為加銜遊擊  
請陞實職風示四夷

論曰按海西南關王台最忠順惜子孫無良以閱牆引外



論曰。按海西。南關。王台口。取中心順。惜子孫無良。以闕牆引外  
寇自殲二奴。北關怨毒日深。遂快心于王台子若孫。自相  
屠割。而奴酋袖手待其斃。甚矣海西之愚。奴酋之黠也。人  
爲肉而我覆爲俎。幾是哉。原海西密邇開鐵。爲我屬夷。與  
東西二夷牙錯。勢能離其合。近歲拯北關以藩遼。稱制奴  
上策。而竟剪焉。胥覆爲開鐵績。誰職厲階。一蹶不振。悲夫。  
上聞報。命李懷信刻期赴遼。會經略獲奸細賈朝輔。悉  
賊攻北關及遼瀋本謀。奴兒哈赤連破開鐵。則兵益強。生  
擒宰賽鈴。制煖兔。抄花數十營。不敢動。取北關如拉朽。跡  
遼瀋直几上肉耳。

上以遼數告急。超擢贊善徐光啓。以少詹事兼河南道御



史專練京兵予總督汪可受回籍經略熊廷弼疏稱遼瀋陽空城難守不如還守遼陽厚集兵力

上諭酌量緩急務保孤城遏其深入巡撫周永春以奴酋挾宰賽爲質且連煖兔諸營持論帖激抄花虎熬啖以利及鼓舞朝鮮優恤將士疏請帑金二百萬

上允部議釋罪弁郭有光劉孔胤麻承恩各納馬贖罪往援遼初諸邊將領多扣空月餉自肥遼左爲甚經略特斬遊擊陳倫以殉因決策守遼陽挑壕築垣借水爲防巡撫周永春請添兵鎮江守朝鮮貢道佐聲援而少詹事徐光啓以事多肘掣疏請



上表不報

十月二日雷震廣寧謀稱奴酋方遣奸細詭女裝謀焚海

壽糧卓約日截運餉會遼左大雪多凍饑經略檄總兵柴

國柱等屯虎皮驛各路聯絡扼賊衝以糧匱請撤回遼陽

是役調兵十八萬歲增餉可三百二十四萬金而

建車餘三萬七千輛用牛七萬四千頭費頗不貲

奴兒哈赤擁衆入龍潭口且往開鐵馱運窖粟二

日巳刻日生暈兩耳及黑氣二道芒色甚異司天失

稱奴酋築城撫順邊外方令黃把兔等謀入犯朝

鮮奴酋堅守牛毛寨萬遮嶺廣造攻具結連蒙古煖

啟以事多附舉疏請



廣輿記卷之四十一  
江鎮  
諸酋東西分捨已又聲犯寬奠鎮江告急  
俱建州  
夷考



浙江圖書館

廣輿記卷之四十一

文華閣藏書



庚申 萬曆四十八年

正月遼鎮新兵全伍脫逃。奴兒哈赤多遣奸細潛伺內境。

反律一先卷

市夷數報伯要兒抄花等與奴酋軟血，約虜從三岔河迤

東截漕船。奴酋從清撫犯遼陽，游騎往來撫順間。

三月十七日，遼陽火藥局忽被焚，闔城驚擾。本兵得報，張

皇分布京師防守。會二十一日，暴風揚沙，僉謂兵占已而

奴酋竟寂然。建夷考

四月初六日，大行皇后崩。

諜稱奴酋潛犯海蓋，且誘摠兵賀世賢往援，急攻遼陽。抄

花詐稱奴酋死，以懈我師。運鎧甲赴遼河。



上以巡撫周永春疏請添兵廣寧已又謀稱奴酋糾伯要兒及青等營入犯及收江夷為用窺海道經略以兵力稍集主守瀋陽漸逼賊巢奴兒哈赤未敢深入佯誘虜曉河西徐圖乘敵釋宰賽往會兵遣酋子同叛人李永芳時引輕騎出沒至發偽榜招降詎侮無狀詔令改贗畫為監

軍并添設金復道刻期赴遼建夷考

五月召見輔臣方從哲于卧榻諭以枚卜已有票旨

家事在寬大憲科道稍俟間即檢發

上深居三十餘年一朝舉此真曠典也

御史倪應春疏曰竊惟我

皇上上靜攝深居稱朕聞不聞聲御朝召對之請群臣



皇史宬應卷疏曰竊惟我

皇上靜攝深居稱朕聞不聞聲御朝召對之請群臣

亦既舌敝頰禿矣而俞旨杳然日者

聖躬違和輔臣方從哲忽蒙官召見之寵噫當是時不召

勳臣不召戚臣不召卿貳大小臣工而汲汲惓惓惟輔臣

是篤摯者豈非以股肱心膂平日所眷注者惟此一個臣

呼吸緩急今日所托重者亦惟此一個臣乎意輔臣仰對

天顏俯盟幽獨睠懷時事凡可積誠以感動之盡力以扶

持之涕泣以開導之者宜無所不至而咫尺龍光寥寥

數語俄而入俄而出如枚卜銓印大察考選發帑諸事十

不得一以致聖心愈厭宮府轉睽旬日之間不聞用

貴望  
長重



癩中  
癩根

皇明初信錄 卷四十一  
一。人。行。一。政。下。一。章。奏。朱。明。烜。赫。之。候。仍。為。隆。冬。淒。慘。之。  
景。有。識。者。益。不。勝。杞。憂。焉。總。由。遇。巷。納。牖。之。術。素。未。得。于。  
揣摩。倉。卒。應。對。之。間。又。未。中。其。肯。綮。覲。面。失。之。千。里。宮。  
門。隔。若。九。閼。豈。不。虛。此。良。遘。哉。  
疏 草

六月十二日、奴兒哈赤乘經略閱邊、離遼陽以萬騎由撫  
順關、萬騎由東州堡入、深至渾河、總兵賀世賢、柴國柱、設  
防瀋陽、却之。

上特發罔金三十萬兩、關陝永保、援兵踵遁、嚴檄招撫、  
閣臣方從哲、疏曰、昨蒙

皇上允補薛國用、胡加棟、令刻期赴任、其開原

并令該部速催、仰見



皇上允補薛國用胡加棟令刻期赴任其開原

并令該部速催仰見

皇上留心邊事如此其切也惟是吏部無人誰為推補若  
明。知。有。當。補。之。官。而。不。允。用。補。官。之。人。與。欲。其。入。而。閉  
之。門。者。何。異。哉。

兵部疏為夷氛正熾防禦宜嚴奉

名犯審場

聖旨云奴賊大舉深入迫近瀋陽深為可慮着各摠兵官  
督率將士極力拒堵彼此策應務挫狂鋒有觀望退縮致  
誤軍機的據法處治俱邸報

浙

七月初九日

聖諭內閣前皇太子來大行皇后几筵前祭禮因朝見朕

三

天

天



問安。朕面諭皇太子。才人王氏薨逝已久。墳園未建。我心未嘗頃刻忘之。欲行另擇。恐延歲月。可就附葬于郭妃墳園之側。汝意如何。皇太子回奏。才人誕育元孫。父皇所諭附葬妃墳之側。極爲便益。朕見皇太子純誠孝敬。朕心嘉悅。卿可傳示該部遵行。特諭卿知。

十四日

聖諭禮部。朕中宮皇后。作配朕躬。贊襄內治。四十餘年。仁敬孝慈。始終一德。芳聲令範。中外著聞。忽以疾崩逝。宜有徽稱。以詔來世。朕遵舊典。與博採羣議。茲以天地宗廟社稷。遣官持節發冊。謚爲孝端皇后。稽行循實。朕不敢私爾

部便抄行天下王府。及內外大小衙門。知會。故諭。報



稷遺官持節發冊。謚爲孝。端。皇。王。以。權。行。循。實。朕。不。敢。私。爾。  
部便抄行天下王府。及內外大小衙門知會。故諭。報

練軍少詹事徐光啓復奏略云臣練兵巡歷已周謹陳事

勢兵情乞 勅該部酌議以重防禦職至通州昌平二處

所轄三營兵七千五百人核其年貌程其勇力俱無上等

略能荷戈者不過二千并可充廝養者不過四千其真堪

教練成爲精銳者不過一二百人而已既驗閱三營火銃

器械督營官分率訓習技藝更委透曉陣法諸將教營軍

演操方圓曲直衝五法此臣簡練之大畧也總之征調之

人習于兵革召募之人有志向往兩者練習猶易僉派之

兵類多老弱悉應退回抵緣始事之初人無固志恐效尤



者衆。未敢遽遣。以待稍稍安妥然後明言。不意至今。乃有大段未安。全須處置者。蓋凡征調來者。向入尺籍。加以拊循。便無攜志。召募來者。既受安家。更給厚餉。卽教習調遣。久暫遠近。惟上所命。只聞散之之難。未聞留之之難也。今獨異是。職初簡選將畢。見有陝西河南兵告乞移文速發贍家銀兩者。迨後日多一日。卽其因由。皆言應役之初。所奉批照諭示。許以赴守京城。並不援遼。又以二年限滿。卽另報更替。一年之外。仍再加贍家月糧銀六兩。職聞之。不覺喟然而嘆。以爲練習此兵。雖費盡心力。其人不可得而有也。其力不可得而用也。蓋一有更番之約。卽人人日日

只盼瓜期之至。亦隱力藏功。惟恐不在下下之科。縱使督



上策

只盼瓜期之至亦隱力藏功惟恐不在下下之科縱使督責訓練既有成績而及期代去職等兩年勞績盡付東流矣卽欲強之使留乃諸人實有父母妻子目今月糧六斗銀六錢僅足餬口無暇及于內顧每年贍家銀六兩必不可少而此銀又將取給于加編新餉就而計之每人每月共用銀一兩二錢米六斗用此月餉卽于近京地方招募丁壯自足練習且亦可久何必使戍者怨思居者仵傷教習之難如登山留止之難如搏沙而上又負不信之名乎三營盡多老弱且皆不樂其處而無長居之心若許之更番則來代者旣須例給安家銀兩又須通新教習于費更



多。于事無益若不許更審則第三年以後贍家銀兩歲不可少。而其人愁怨愈深轉聚愈難若云昔年所許止是誘之使來自此以後可將更替贍家二議徑自寢閣置之不理。月餉六錢米六斗給其衣食又分以贍家而能使之安心練習奮勇敵愾此則情理之所必無非職所敢任也。伏乞

皇上卽 勅本部將職奏陳事理酌量人情所宜財用所

出從長計議務令力可為繼情可為安勢可為久或有未

妥不嫌改絃易轍以求至當職攝官承乏庶得藉手以報

上命矣。

三言揭本  
領要包蓄

為遠

聖諭內閣朕嗣



聖諭內閣朕嗣

祖宗大統。歷今四十八年。久因國事焦勞。以致脾胃疾遽。不能起。有負先王付託。惟皇太子青宮有年。實賴卿與司禮監協心輔佐。遵守

祖宗保固皇圖。卿功在社稷。萬世不泯。

二十一日酉時。

帝崩。司禮監傳

皇太子令旨。你們會同內閣。查舊規報計于各宗室。其合行喪禮。着禮部會同翰林院計議。從優具儀。註來看。又旨免命婦哭臨并祭。



又傳

皇太子令旨說與督理通灣等處稅監張燁馬堂胡賓潘相丘乘雲知道。先年開礦抽稅爲因三殿與兩宮未建。帑藏空虛。權宜採用。近因遼東奴酋叛逆。戶部已加派各省地畝錢糧。今將礦稅盡行停止。張燁等都着撤回。原衙門應用。其見徵在官稅銀等銀。各解進應用。該衙門知道。

又諭內閣等衙門官員我

父皇大行皇帝賓天。你每大小臣工。俱受國家厚恩。竭忠報國。各要盡心供職。毋得怠惰慢事。特諭。

皇太子令旨命兵部京營提督撥官軍皇城京城各門嚴



皇太子令旨命兵部京營提督撥官軍皇城京城各門嚴

謹守衛

義正而辭  
如誠規並

禮部啓為查照無據之例。亟寢非禮之封。以昭國典。以

至疏侃可  
傳

成。大孝曰。今早內閣方從哲傳

皇太子殿下令旨。

父皇遺言。爾母皇貴妃鄭氏侍朕有年。勤勞茂著。着進封

皇后。卿可傳示禮部。查例來行。欽此。臣捧誦不勝駭愕。隨

卽詳考累朝典故。並無此例。按例其以配而后者乃敵

體之經。其以妃而后者則從子之義。故累朝來豈其無

抱禰之愛。而終引去席之嫌者。則以例所不載也。皇貴

妃事

皇太子令旨

兵部京營

提督



先帝有年。果其有前例可援。亦何俟今日。乃不聞倡議于生前。而顯遺囑于逝後。豈彌留之際。神情有不自主者。遂不及致詳耶。

先帝念 皇貴妃之勞。當不在位號之間。

殿下體

先帝之心。亦不在尊崇之末。且 王皇貴妃誕育

殿下豈非

先帝所留意者。乃恩典尚爾有待。而欲令不屬毛離裏者。得子其子。毋其毋。恐九原亦不無怨恫也。鄭皇貴妃賢而習于禮。處以非禮。必非其心之所樂。何如曲體其心。俾



得相安所爲善承

先帝者孝孰大于此乎。若祖宗故典不載而一旦創行

播之天下。書之史冊。傳之後禩。將爲盛代典禮之累。且

昭

先帝之失言。非所以爲孝也。中庸以善繼善。述爲孝。所爲

善者。正斟酌于義之可否也。義可行則以遵命爲孝。義不

可行則以遵禮爲孝。臣願

殿下體武王之孝而爲繼述之善。無徒以遵命爲孝也。

神宗皇帝遺詔曰。朕以冲齡。纘承大統。君臨海內。四十八

載于茲。享國最長。夫復何憾。念朕嗣服之初。兢兢化理。期

神宗遺詔



無負。先帝付託。比緣多病。靜攝有年。郊廟弗躬。朝講

稀御。封章多滯。僚采半空。以礦稅繁興。征調四出。民生日促。邊釁漸開。夙夜思維。不勝追悔。方圖改轍。嘉與天下維新。而遘疾彌留。不復可起。蓋愆補過。允賴后人。皇太子聰明仁孝。睿智夙成。宜嗣皇帝位。且宜修身勤政。親賢納諫。以永弘圖。皇長孫。宜及時冊立進學。瑞王。惠王。桂王。各擇善地。令早就藩。封大小臣工。各協恭和衷。輔理嗣君。保乂王室。是皆朕惓惓之至意也。內閣輔臣。亟爲簡任。貳卿大寮。盡行推補。兩咨考選。并散館科道官。俱令授職。建言廢棄及礦稅。註誤諸臣。酌量起用。一切權稅。并新增織造燒



葉及礦稅註誤詔臣酌量起用一切權稅并新增織造燒  
造等項悉皆停止各衙門見監人化俱送法司查審應釋  
放者釋放東師缺餉宜多發內帑以助軍需陣亡將士速  
加恤錄喪禮遵舊制以日易月二十七日釋服毋禁民間  
音樂嫁娶宗室親王藩屏爲重毋得輒離本國各處總督  
鎮邊三司官地方攸係不許擅去職守聞喪之日止于本  
處哭臨三日進香差官代行衛所府縣并王官俱免進香  
詔告天下。弒使聞知。

皇太子令旨今日發銀一百萬兩該部各差文武官星夜  
解赴九邊着彼處各該撫按官酌量犒賞務沾實惠具本  
來奏前遞東犒賞并今九邊犒賞二項共與脚價銀五千





浙江圖書館





浙江圖書館







浙江圖書館



善本

008

日





浙江圖書館

浙江圖書館善本

登記號：004908

一九 年 月 日





浙江圖書館





浙江圖書館





浙江圖書館






浙江圖書館





浙江圖書館










浙江圖書館



Centimetres **TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color Black